



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1100. Usque Ad Annum 1143

**Fleury, Claude**

**August. Vind. [u.a.], 1762**

**VD18 90117999**

§. 25. S. Otto Episcopus Bambergensis.

---

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Vallis Umbrosæ, postmodum Episcopus  
Parmensis fuit.

Sæcul. XII.  
A.C. 1102.

§. XXV.

*S. Otto Episcopus Bambergensis.*

In Germania, Ruperto Episcopo Bam-  
bergensi, eodem anno millesimo cen-  
tesimo secundo, fatis functo, ad Aulam  
Cæsaris Episcopatus Insignia (puta pe-  
dum & annulus) cum Libello supplici,  
quo sibi Episcopum dari Bambergenses  
petebant, delata sunt. At Henricus Im-  
perator inducias sex mensium indixit,  
quibus elapsis, data epistola, iussit, Lega-  
tos ad se mitti; dicens, se jam Episcopum  
illa Sede dignum invenisse. Circa Fe-  
stum Natalis Domini, Nunciis Bamberga  
missis ait Imperator: se ideo tamdiu de-  
liberasse, quod Ecclesiam Bambergensem  
tenere affectu diligeret, & optimum Præ-  
sulem ei præficere cupiisset. Tum ma-  
num Ottonis, Cancellarii sui,prehendens  
& conversus ad Bambergenses, *en hic est,*  
inquit, *Dominus vester & Episcopus Bam-*  
*bergensis Ecclesiæ.* Legati obstupescen-  
tes alter alterius vultum intuebantur,  
adstantes vero, qui vel sibi vel saltem  
amicis suis pinguisimum Beneficium ob-  
venturum speraverant, eos & gestu &  
strepitu ad obsistendum Cæsari incitare  
videbantur. Ergo ad Imperatorem di-  
xerunt: *Sperabamus, te nobis virum spe-*  
*ratæ*

Dodech. Ur-  
sperg. vit.  
Otton. lib. 1.  
c. 3. tom. 2.  
Canis. p. 333.

Sæcul. XII. *Etatæ in aula nobilitatis, genere & propin-*  
A. C. 1102. *quis clarum, daturum esse; hunc enim non*  
*novimus. Reposuit Imperator: Vultis*  
*scire, quis iste sit? me patrem habet, & Ec-*  
*clesiam Bambergensem habebit matrem.*  
*Nibil me a proposito deducet, Non eum*  
*leviter elegimus, sed longa experientia no-*  
*bis notissimum, & postquam discesserit,*  
*magnum, nullus dubito, nobis sui deside-*  
*rium movebit.*

Otto, obortis lacrymis ad pedes Im-  
 peratoris se demittens, Legatis ad eum  
 erigendum adproperantibus, tantum ho-  
 norem recusabat, pauperem se virum es-  
 se, dicens, & tanto fastigio indignum.  
 Eligerent sane ex Fratribus suis alium,  
 genere & opibus se præstantiorem. *En,*  
*inquit Rex, viri ambitionem, tertio jam*  
*Episcopatus honorem fugit. Nam pridem*  
*ei Episcopatum Augustanum & deinde*  
*Halberstadiensem obtuli; sed credo eum*  
*singulari Dei providentia ad regendam*  
*Ecclesiam Bambergensem fuisse reserva-*  
*tum.* Dum ita loquitur simul Ottonis  
 digitum annulo & manum Baculo Epi-  
 scopali ornat, ac ita investitum Legatis  
 Bambergensibus tradit. Otto vix per-  
 moveri poterat, ut consentiret, quod li-  
 tem de Investitura inter Sacerdotium &  
 Regnum fervere sciret; jamque exinde  
 Deo promisit, se Episcopi officium non  
 suscepturum, nisi de manu Papæ Confe-  
 cratio-

crationem & Investituram, consentiente Sæcul. XII.  
& id ipsum petente Ecclesia sua, acce- A.C. 1103.  
pisset. Tunc vero Moguntia Fæstum  
Nativitatis Domini cum Imperatore ce-  
lebravit, & sex circiter septimanis in au-  
la mansit.

Hoc tempore exacto Otto, jubente  
Imperatore, ab Episcopis Augustano & c. 4.  
Herbipolensi, comitantibus quibusdam Epistola Ot-  
Principibus & populi multitudine, Bam- tonis ad Pon-  
bergam deducitur, quo in Vigilia Purifi- tificem.  
cationis, prima die Februarii, anno mil-  
lesimo centesimo tertio pervenit. Quam-  
primum Ecclesiam Cathedralem procul  
conspexit, ex equo desiliit, calceamenta  
sibi detraxit, & reliquum viæ nudis pedi-  
bus super nivem & glaciem incedens,  
Clericis populoque, qui venienti solemnî  
pompa obviam processerat, circumdatus,  
confecit. Tum vix pauculis diebus ela-  
psis nihil antiquius habuit, quam Nun-  
cios Romam mittere cum epistola ad Pa-  
schalem Papam data, in qua obedientiam  
suam profitebatur, & petebat consilium.  
*Aliquot annos, dicebat, Imperatori Do-*  
*mino meo servii, ejusque gratiam mibi* t. 5.  
*conciliavi; (\*) sed cum Investitura, quam* to. 10. Conc.  
*ipse* p. 688.

(\*) Hic Lector veritatis Historicae studiosus  
observabit, Ottonem, virum Sanctum, in epi-  
stola ad Summum Pontificem data, profiteri se  
*Hist. Eccles. Tom. XVI.* F ser-

Sæcul. XII. A.C. 1103. *ipse daret, mihi non probaretur, bis Episcopatus ab eo oblatos non recepi. Jam tertio Episcopum Bambergensem nominavit. Verum id muneris non subibo, nisi tu, Sancte Pater, me investire & tuis manibus consecrare volueris. Fac ergo, ut quid præcipias sciam.*

Gratissima Papæ fuit Ottonis Epistola, perpauci enim illa tempestate in Regno Germaniæ degebant Episcopi, Ecclesiæ Romanæ, ut par erat, submissi. Ergo Ottoni rescribit, Episcopum Bambergensem electum agnoscit, acta dilaudat, & invitat; deposito omni metu Romam veniret. Otto itinere strenue confecto ad Festum Ascensionis, quod illo anno millesimo centesimo tertio in diem septimam Maji incidebat, pervenit. Mox Papam, tunc Anagninæ commorantem, cum Ecclesiæ Bambergensis Legatis, eum sibi Episcopum expetentibus, adit, ordinem & modum electionis aperit, Baculum & anulum ad pedes Pontificis, temeritatis vel erroris veniam petit. Pontifex eum resumere jubet Insignia, negat ille, indignum se & peccatorem professus. Tum Papa, *S. Spiritus*, inquit, *Festum*

fervisse Imperatori Domino suo, quem a Gregorio VII. depositum fuisse, ignorare non poterat.

*sum propinquat, tanti Arbitri consiliis* Sæcul. XII.  
*rem banc commendare debemus.* A.C. 1103.

Otto cum suis ad hospitium regres-  
 sus, tota nocte & sequenti die animo re-  
 volvit, illorum temporum iniquitatem,  
 Pastorum pericula, subditorum insolentiam,  
 omnibusque mature pensatis, cuncta  
 relinquere ac deinceps privatus quietusque  
 vivere decrevit. Igitur quid statuisset  
 comitibus suis significat, Summo Pontifici  
 valedicit, & per viam, qua venerat, redire  
 cœpit. At Papa missis nunciis abeuntem  
 redire in virtute Sanctæ obedientiæ jubet,  
 retrahitur a sociis, sicque Papæ manibus  
 in Festo Pentecostes, decima septima Maji,  
 anno millesimo centesimo tertio, compluribus  
 Episcopis assistentibus, consecratur.

Pridem Episcopi Bambergenses Privilegio  
 Crucis & Pallii, more Archiepiscoporum,  
 gaudebant, quo autem non sæpius quam  
 quater in anno uti licebat. Papa, ut  
 Ottoni faveret, licentiam hæc ornamenta  
 octies in anno adhibendi concessit. In  
 Epistola ad Ecclesiam Bambergensem data  
 Paschalis Papa dicit, se Ottonem, Clericis  
 Bambergensibus id petentibus, salva  
 Metropolitæ auctoritate, ordinavisse.

Ex hac Epistola & ex omnibus, quæ  
 in Electione Ottonis gesta sunt, notari  
 oportet, ipsum pro Domino & Imperatore

c. 10.

c. 9.

Pasch. ep. 8.

Sæcul. XII. A.C. 1103.                       
                      
 vit. c. 3. p. 336.                     

tore suo legitimo Henricum habuisse, licet excommunicatum, & toties a Gregorio VII. Papa, Successoribusque ejus depositum. Nec conscientia morsus inde fuisse profectos, quod Henrico Potestatem defuisse crederet, sed ex modo investiendi & abusu, quo Henricus absoluta auctoritate Episcopos Canonice eligi non sinebat. Otto in Epistola sua ad Papam non dissimulat, se diu huic Regi ab obsequiis fuisse, atque ab ipso Episcopatum accepisse. In conspectum Papæ deductus factum non excusavit, nec Papa vel Ottoni vel Ecclesiæ Bambergensi, quæ Henricum Imperatorem venerabatur, hanc rem exprobravit. Nempe ex hoc exemplo & compluribus aliis illius ætatis dispicimus, Catholicos fuisse & a Sacra etiam Sede pro Catholicis habitos, qui Sententiæ contra Henricum sæpius latae ad literam neutiquam obtemperandum esse existimarunt. Denique constat, non credidisse Fideles, opinionem de potestate Pontificis in Bona Regum temporalia in articulis Fidei locum habere.

## §. XXVI.

*S. Ottonis Exordia.*

Otto hac via Episcopatum Bambergensem consecutus, natus erat in Suevia parentibus nobilibus, qui eum a puero lite-